

四庫全書

子部

欽定四庫全書

欽定授時通考卷二十二

穀種

稻三

直省志書新建縣食貨稻之屬占稻九十日占百日  
占百二十日占北風占大生占見秋紅占背塘占晚赤  
占齊頭占矮占柳占土黃占通仙占無名占毛占麻占  
白米秋占洞占救公饑團穀早失穀早一坵水七十日

早由風早百日早見秋早南早陝西早瀏陽早南陵穀  
小赤穀赤穀烏穀冷水秋早大禾大赤米黃尖嘴大禾  
大時禾七斗糙烏大禾硬藁占之外曰糯有百日糯鐵  
糯柳條糯倒藁糯赤粒糯油麻糯椎子糯金絲糯大糯  
馬牙糯紅穀秫虎皮秫 奉新縣土產稻團穀早尖穀  
早救公饑隨犁歸七十日早百日早北風粘遲穀油紅  
穀大禾芒大禾代禾皆粳稻早糯烏糯白糯黃糯紅菱  
糯大糯皆釀酒糯 靖安縣物產早占百日早油紅蘆

花早油赤七月熟洞粘粽子糯麻糯九月熟稗糯冷水  
糯寒粘大禾糯十月熟武寧縣土產百日占晚赤占  
白米秋占洞占寒占雷州占救公饑君行早赤穀烏穀  
臨江早一坵水望暑白黃泥占尖穀冷水秋大禾紅殼  
糯白糯柳條糯稜子糯苦株糯烏節糯黃絲糯晚糯  
寧州土產大糯赤糯百日糯鐵腳糯柳條糯油麻糯金  
絲糯倒藁糯碓子糯馬牙糯百日粘北風粘百二十日  
粘九十日粘大生粘晚赤粘赤穀矮粘見秋紅粘北塘

粘白米粘齊頭粘柳粘白米秋粘油紅粘秋粘小赤穀  
土黃粘無名粘南陵穀毛粘虎皮秫通山粘冷水秋大  
禾紅殼秫大赤米黃尖嘴烏大禾硬藁懶擔糞早大禾  
七斗糙麻粘洞粘 高安縣物產稻有團穀早尖穀早  
救公饑七十日早百日早秋風粘冷水粘遲穀大禾皆  
硬稻早糯烏糯白糯黃糯紅菱糯鐵脚糯交秋糯重陽  
糯遲糯大糯鴨脚糯皆釀酒 上高縣物產早穀有茆  
葉早五十工洗白早頓齊粘蘇州早童子粘撫州早紅

米早白穀糯紅菱糯黃扁糯鐵腳糯晚穀有秋風粘古  
安早黃泥早亂麻粘冬粘木子粘長鬚粘粳禾糯重陽  
糯燕口糯大禾糯柳條糯黑鬚糯紅穀糯白穀糯 建  
昌縣物產稻杭之早者有望暑白救公饑刷帚早一坵  
水諸名秫之早者曰大糯有赤白二種杭之遲者有北  
風粘八月白烏穀芒穀之類秫之遲者有團糯粘糯荔  
枝糯之類又有晚粘稻晚糯稻之類則刈早稻而復植  
於早田者 德化縣物產早穀有駝犁白留姑早王瓜

早六十日九十日等名白穀有竹了粘蘆花白大白穀  
等名紅穀有鴨脚和柳條赤等名晚稻米白而質膩種  
後晚生烏穀殼黑而多芒五月始種芒穀一名種穀有  
烏白二種糯穀有早紅糯殼糯黃金糯哽雞糯數種

玉山縣物產早穡白穀紅穀早糯白糯紅糯晚糯晚禾  
建陽早紅米糯 鉛山縣物產救公先三朝齊竹了早

白沙早高脚紅紅根早北風粘夏桃紅三有禾五家傳  
猴孫糯上早糯八月糯重陽糯胡椒糯苦株糯師姑糯

響穀糯羊鬚糯秈粟糯 興安縣物產早穡有六十日  
早上早等名白穀有竹了白沙紅根早桐子白福德早  
等名紅穀有桃紅竹雞斑早紅遲紅晚穀俗呼大禾穀  
糯穀有早糯赤糯重陽糯白穀糯徽州糯連根糯等名  
東鄉縣物產早粘救公饑夏桃紅白沙粘池州鮮倉  
背笑下馬看竹極粘冬粘早糯晚糯白穀糯青絲糯焦  
紅糯 南豐縣物產五十日粘六十日粘淮禾早大穀  
早白沙早龍牙粘黃土粘江東粘百日粘清流粘華山



粘溫涼粘茅裏粘八月白鐵脚梗光頭藜缺芒藜細穀  
藜三有糯響鈴糯重陽糯虎皮糯椒子糯老人糯長腰  
糯鹽夫糯光頭糯廣昌縣物產六十日粘白沙早光  
冬冬粘茅裏粘紫糯重陽糯虎皮糯瀘溪縣物產稻  
之屬有早黏有遲黏有糯稻名目不一其早黏春社日  
前後浸種立夏前後時立秋而熟最早者名五十日黏  
次名六十日黏他種青黃不接而此兩種先可食田家  
種以繼不足俗云救公饑是也餘一名桅上早有紅白

二種七十日始熟白沙黏三月種六月熟米圓而大江  
東早耐寒多粒大穀黏細穀黏二種以粒大小異名耳  
百日黏福德黏八月白晚稻而早熟者米香白可貴至  
若李廣黏石城黏龍牙黏流水黏池州黏冬黏鐵腳黏  
俱色朱而堅九月始熟稻之黏者重陽糯應節候而熟  
故名黏禾稻與早禾同熟即五十日糯也關公糯穀紅  
而米白老人糯芒刺長而穀赤石冊糯早晚有異名目  
不一 萬安縣土產江州禾冷水白百日黏紅穀晚穀

烏嘴大稻晚糯秋風糯青鐵墜白糯黃鐵墜鐵脚撐綿  
子白羊蹄糯硬木香大秋風油麻糯光骨蕾柳條糯

清江縣土產稻最早熟者名救公饑色白味香甘有團  
穀早雲南早諸種孚甲薄而米堅好有秋風黏蓑衣黏  
諸種色赤甲厚有金穀黏田之低窪者種之六月插秧  
九月方熟有晚稻至冬乃熟色白粒長種之者少而性  
則冷又有早糯有晚糯 宜春縣物產黏穀紅白二種  
有五十日黏六十日黏八十日黏百日黏大黏鬚黏晚

穀贛州早團穀早早穀糯穀有早糯晚糯白穀糯燕口

糯鴨婆糯矮脚糯重陽糯子紅糯 萍鄉縣物產鬚粘

圃粘安福粘團穀粘百日粘紅米粘白穀粘贛州早救

公早務原早大米禾大紅禾百日糯重陽糯北京糯紅

鬚糯粽子糯黃絲糯烏鴉糯 零都縣物產早稻大穀

早晚稻八月白冷水白葉底黏早糯重陽糯大糯蝦鬚

糯 安遠縣物產早禾八月黏火燒黏大禾早糯黏子

糯蝦鬚糯晚糯 寧都縣物產六旬黃七旬熟日日赤

八月白留外婆救公饑師姑早和尚光倉背笑大穀早  
鼠牙早矮脚紅金包銀響玳瑁石上珠廬江早茅裏苦  
重陽糯 瑞金縣物產稻晚稻早稻早糯大糯金包銀  
水珠糯湖廣糯陝西糯羊鬚糯 龍南縣物產六月早  
七月早八月早晚稻早糯黏糯重陽糯大冬糯大禾穀  
定南縣物產火燒黏六月熟重陽糯黏糯早糯 蒲  
圻縣物產稻之類有洗白早金環早陵江早無名早無  
名遲麻赤穀馬鬃糯柳條糯蝦鬚糯 咸寧縣物產山

黃稻望水白留姑早銀包金黃姑早竹雞斑花黏六十  
日早香稻折稻大粒穀和尚苗銀朱苗烏鬚苗馬牙糯  
見缸消細子糯六月零糯下馬看浮糟糯蝦鬚糯橘皮  
黃 漢陽府物產稻屬有洗耙早拖犁回一坵水七十  
日黏待時早江西早麻黏兒白芒兒王瓜早秋風早青  
黏火黏騎牛撒早糯晚糯鬚糯牙脂白虎皮糯柳條糯  
烏節糯油紅黏蘇州晚香稻接早子蓋草黏等苞齊落  
地黃雀不知 蘄水縣物產黏之屬曰黑穀曰五十黏

曰六十黏曰七十黏曰圓頭黏曰齊頭黏曰楊三黏曰  
矮脚黃黏曰蓋草黏曰銀條黏曰無名黏曰天降黏曰  
蝦鬚黏曰金包銀黏曰得雁紅黏曰浙江黏糯之屬曰  
飛上倉糯曰魚子糯曰馬棕糯曰雪黃糯曰蜜蜂糯曰  
虎皮糯曰破殼糯曰除黃糯曰黃金糯曰徽州糯曰烏  
節糯曰童子糯曰淨田糯曰芭茅糯晚之屬曰八月晚  
曰烏節晚曰光頭晚曰徽州晚曰童子晚 羅田縣物  
產稻類七十日秈百日秈四節穀蓋草秈油粟赤秈雲

田𣎵瘦田𣎵柳條赤𣎵白花𣎵大粒赤𣎵烏風𣎵黃泥  
𣎵脂頭𣎵麻𣎵穀矮脚黃𣎵烏三節𣎵黃粒穀三朝齊  
望水白水葡萄紅桃熟江南晚黑殼晚芭茅晚子晚穀  
珍珠晚紅節穀鬚鬚晚香子晚桐子晚交秋糯老人藕  
紅殼糯馬牙糯白殼糯黃瓜𣎵鐵脚糯馬鬃糯折二糯  
界下其三百零糯蜜蜂糯羊鬚糯黏糯 黃梅縣物產  
早稻曰洗耙早救公饑流水早一刀齊飛上倉黃金糯  
晚稻曰烏穀見秋紅竹榘黏蓋草黏青水糯柳條糯烏



節糯赤米糯 德安府物產稻有黏者黏之類有三曰  
早稻曰遲稻曰晚稻早者則有所謂落地黃救公饑一  
丘水等苞齊接早江西早此布種宜早且須沃壤遲稻  
則有所謂無名黏榔頭黏銀條黏青黏亂麻黏溝黏道  
黏爨八石者色皆白又有色紅者曰紅殼晚稻有芒種  
於夏秋之交穫於冬初一種名香籽晚者以味香故有  
名蒼穀者其種法不必浸種分秧但耕田下子五六十  
日可實湖人被水害者水退不遑他穀故多布此然亦

須田山原不多藝有糯者分早遲二種早者名金線糯  
絲茅糯留兜翻墊倉底虎皮糯布種宜早遲者名柳條  
糯鵝翎白溜沙白紅糯紅毛糯烏糯 枝江縣物產稻  
之屬有大黏有小黏有香黏有早稻俗名五十黏有晚  
稻臨冬方熟另有以糯穀名或紅或白或畫眉或柳條  
蓋隨其色與形而轉名也 寧鄉縣物產穀種十有一  
曰竹枝黏又名落花黃洗鎖早救窘糧收甚早六十日  
黏有高脚短脚之分收亦早百日黏一名大穀早以上

色俱白油紅黏一名紅米早以上收頗早秋紅黏一名  
硬頭紅又名南禾螃皮黏又名柳黏收稍遲以上皆食  
類珍珠糯又名燒衣糯麻糯一名響糯又婆耘又名巴  
過嶺言難落也早白糯遲白糯以上皆飲類 瀏陽縣  
土產稻之品有白黏紅黏麻黏茆黏黃泥黏鬚黏又名  
曰鹿見愁晚米黏金包銀糯早糯晚糯 湘鄉縣物產  
稻之類有沙邱早江西早楊柳黏齊頭黏金包銀油綠  
黏紅晚禾麻黏順水拖亂麻黏燒衣糯早白糯蜜蜂糯

黑糯黃糯麻糯蠻子糯模糯紅殼糯 邵陽縣食貨稻

之屬有杭盤穀早五十日黏六十日黏夜齊早雞婆早  
析陽早赤鬚早桐子白沙黏皆熟於六月中鯽魚白火  
燒黏油黏桂陽黏蘇州早大穀黏思南黏皆熟於七月  
中福德黏亂麻黏北風黏深田紅皆熟於八月中南木  
私下馬看香甜米馬尾黏臨武黏靖州黏道州禾廣西  
禾皆熟於九月十月乾禾種於山蓋茅黏同人黏芥菜  
黏銀莖黏金包銀烏鴉黑四香禾六月白江西早八風

欽定四庫全書

創定新明道  
卷二十二

黏隴裏黏鬚黏割根私扁砂禾栗子杭順水拖蛇牙黏  
以上早晚熟有候有糯裏田紅矮婆糯紅殼糯銀莖糯  
蝦公糯冷水糯蠻子糯思南糯麻糯響糯木禾糯乾禾  
糯種於山早晚種熟有候桂陽糯蓋茅糯巴仔糯雞婆  
油糯刷把糯蜜蜂糯銀綿糯拋糯 城步縣物產稻之  
屬百日黏油黏銀莖黏桂陽黏蓋茅黏麻穀黏夜齊黏  
沙黏大穀黏北風黏隴裏黏呆黏割根私扁砂禾南木  
私雲南紅杉木紅赤米紅老來白南流根野豬鬃大白

禾香白禾冷水紅桂陽糯矮糯紅殼糯蝦公糯黃絲糯  
冷水糯水管糯響糯 新寧縣物產稻稈之屬六十日  
黏火燒黏蓋茅黏大穀早同人黏思南早芥菜黏銀根  
黏金包銀烏鴉黑四香木六月白江西早八方黏隴裏  
黏鬚黏南木私割根私扁砂禾栗子杭順水拖蛇牙黏  
冷水紅糯之屬響糯油糯刷把糯矮糯麻糯蜜蜂糯雞  
婆糯銀線糯蠻子糯桂陽糯蓋茅糯蝦公糯白莖糯巴  
仔糯黑糯 衡陽縣物產兩接早救饑早安南黏糝黏

油紅黏百日黏團穀黏齊黏天降黏秋黏冬黏順風黏  
晚禾黏早糯白糯黃糯紅糯鐵鬚糯大糯花穀糯 永  
明縣土產早稻之品百日黏鼠牙黏蘆荻黏短穀黏冷  
水黏李家糯白雉糯早地禾赤米黏白米黏寶慶禾晚  
禾之品珍珠秈里宗禾白皮赤律禾晚地禾珍珠糯麋  
毛糯白鬚糯蝦皮秈豆子禾荔浦禾大白糯細白糯紗  
藍糯 永興縣土產兩節黏百日黏翻生黏紅頭黏生  
鬚黏南黏寶慶白茶子禾梁山黏油黏梁山糯南禾糯

黃絲糯紅禾糯銅鼓糯大禾糯百日糯冷水糯興寧  
縣物產金包銀黏湘潭黏火燎黏雪黏桃花黏脫黏百  
日黏三夜齊豬膏黏鬼見愁黏黃糯大紅糯銀硃糯鴨  
婆糯南禾糯黃瓜糯銅鼓糯涼傘糯桂東縣物產南  
京黏茅裏黏洗白黏靜洲黏三寶黏毛仔黏大禾糯紅  
米糯冷水糯柳條糯黃瓜糯達州方產稻有早黏晚  
黏大白黏拋犁黏香黏黃黏各種嘉定州物產稻其  
最佳者糯則有百金早三百顆花殼紅殼豬脂虎皮黏



則有毛香子百日早老鼠牙蓋草黃等名其尖刀穀黑泥黃泥等黏皆常品在在宜之惟佳者非腴田不可

眉州物產稻有白早毛香麻早黃泥黏黑泥黏青桿黏三百顆花殼糯柳條糯豬油糯清酒缸榮經縣物產稻之屬蓋草黃金線早洗把早冷水穀石頭穀義子穀白穀紅穀白糯麻糯馬胡糯香糯福州府物產稻二種曰粳曰秫名品甚多志其大者春種夏熟曰早稻秋種冬熟曰晚稻其歲一熟者曰大冬又有各種曰旱黏

山田可種附郭則少曰天降來從霜降後熟曰薰提曰黃芒與早稻同熟曰占城與晚稻同熟曰稊早稻既穫後苗始蕃亦與晚稻同熟曰土稊多出洲田其歲再熟者又有曰金洲曰白香稊與早稻同熟者曰早稊與晚稻同熟者曰晚稊與大冬同熟者曰大冬稊古田縣物產稻之屬赤早穀黃米紅無芒七月收白早穀米俱白亦名古田早八月收白稻穀米俱白有芒十月收降來穀米俱白無芒可作麪九月收芒啄穀米俱白芒短

十月收紅芒秣穀紅米白而大有芒豬骨秣米白無芒  
十月收福清縣土產早稻有白赤二種信州早種出  
信州副院早種出天竺副院金城早色紅占早種出占  
城綸早稻既穫後其苗始蕃晚稻色紅有芒秋種冬熟  
大冬色白有芒一歲一熟天降來霜降後熟大白秣芒  
白臘脂秣色畧似臘脂鵝卵秣粒似卵形黃閏秣粒長  
莆田縣物產稻有大冬稻早稻晚稻大冬稻春種冬  
熟歲惟一收早稻春種夏熟穫後即插晚稻歲可兩收

有米黏可釀酒者謂秣有米白而香者謂白稜又有黏  
稻俗名早黏白黏又有畚稻不用水耕高山皆可種  
仙遊縣物產稻有粳有糯年一收者謂大冬稻其粒大  
年兩收者春種夏熟為早稻秋種冬熟為晚稻一種黏  
稻無芒而粒大其色有白有斑有赤稻名有白香白黏  
青黏早赤烏秣赤秣等名 泉州府物產稻之屬早稻  
有赤白二種晚稻有赤白二種大冬有赤白二種寄種  
與早稻同下種早稻刈後更發苗至十月結實有芒米

赤色又一種無芒青晚埭田多種之其種與收俱遲於  
早稻一月米色赤占城稻耐旱其色有白有斑有赤自  
種至熟僅五十餘日涸燥之地多種之畝稻種出獠蠻  
必深山肥潤處伐木焚之以益其肥不二三年地力耗  
薄又易他處白香春種秋熟有芒殼黃米白味香又一  
種無芒更美名過山香降來夏種秋熟有芒差短殼米  
俱赤大尖春種秋熟殼赤無芒與早赤大同小異又有  
小尖比大尖差小中灌五月種十月收殼赤米白已上

杭稻早秣晚秣大冬秣赤勞秣勞穗赤色米白即荔枝  
秣牛頭秣一名好穀而清香白鬚秣即赤六已上糯稻  
惠安縣物產稻之品先後遲速大率繫於地氣依山  
山高氣深寒常多暮春漬種苗生甚遲至冬乃熟謂之  
大冬分赤白二種白中有秣有糯顆大穀厚味香氣力  
完足雖一種而收入兼二季所有者平原之地暖常多  
驚蟄後即漬種至秋初而熟謂之早稻又翻治其田種  
冬稻早稻種類頗同大冬而氣力差減冬稻皆秣赤米

青晚耐風與水旱亦能勝鹵氣埭田多種之其種與收俱遲早稻一月又有烏芒稻種漬甲微拆投土中乃發芽抽苗與青晚同熟鹵地之尤鹹者宜之殼麤厚味酸澀不香占城稻耐旱瀕海春多雨至夏常旱此穀自種至收僅五十日備旱之地多種之亦有赤白二種畚稻漳州人來賃山種之同安縣物產杭稻有大冬早種早粳遲粳晚粳諸種糯稻有虎皮黃羹花眉山豬兔白林赤殼白黏過山香諸種禾亦糯屬宜亢爽地粒頗大

味亦香 永春縣物產早稻晚稻大冬寄種青晚早林  
晚大冬林 龍溪縣物產稻有早稻春種夏熟有粳有  
糯米有赤白二色糯米謂之大林有晚稻秋種冬收有  
芒多米近亦有白者亦有糯米謂之小林有大冬夏種冬  
收亦多粳糯米二種又有寄種與早稻同種與晚稻同收  
水田多有之有黏稻性耐旱其色有白有斑有赤此諸  
粳反佳白者為上斑次之又有香稻芒紅味香有白柳  
米極精白又有畚稻顆粒最大俗呼曰禾 漳浦縣土



產稻有梗有糯有尖有香稻有白柳其實有白米有赤米  
長泰縣土產杭稻種有早晚早六月收米盡白有  
山東安南等名晚十月收米赤白兼白名斑黏柳仔赤  
名大稻回洋等不一又有大冬年一收殼厚米尤硬糯  
稻早晚俱有赤殼者名金包銀晚有斑黏蛾眉長芒鵝  
卵等種米俱白赤殼為上 大田縣物產早仔大稻金  
城早八月白長芒 尤溪縣物產稻有杭有糯糯有虎  
皮黃羹花眉諸種其顆大純白氣力足者謂之半溪秣

杭則有南安早山東早江西早百日早宜初春種又一  
種附春稻種而與秋同熟謂寄種亦杭屬而氣味差減  
建陽縣方產稻屬禾仔未立冬收黃禾宜肥田三月  
種十月收孫都禾宜肥田三月種七月半收浦城白蘇  
州白有芒俱宜肥田黃衣禾赤殼禾俱瘦田可種葡萄  
禾其米赤九月收小烏禾荔枝禾其米白瘦田倒俗名  
旱禾山原多種糯屬重陽秫重陽時熟車排秫黃衣秫  
其色黃鐵尻秫珍珠纍大冬秫白秫仔東溪秫牛尾麻

子秣無芒秣灰秣俱宜肥田公婆秣 崇安縣貨產稻

之屬紅禾赤禾烏禾槽禾青秀禾烏蒂禾小穀赤車斑

禾葡萄禾荔枝禾吳家傳鷓鴣斑下馬看蘇州子瘦田

倒鄉秣禾魚禾以上皆晚禾大早小早粳早福德早紅

根早師姑早龍游早汀州早政和早火燒早以上皆早

禾巖秣重陽秣大冬秣黃衣秣蘇州秣鐵腳秣牛尾秣

以上皆秣禾 浦城縣土產小早九十日熟米有赤白

二種無芒六月收大早一百二十日熟米有赤白二種

無芒白秈早龍鳳早師姑早白芒早秈以上七月八月  
收烏龍牙下馬看銀硃秈黃穀紅秈椒子秈冷水秈粳  
穀吳傳苦秈禾以上九月十一月收 政和縣土產大  
早六十日江西早清流早禾大糯小糯 壽寧縣物產  
烏節早清流早芒丁早上東早下南早赤殼早大紅溪  
頭早烏帶赤芒早黃栢藥大糯珠糯三下槌林下黃大  
小黃柴紅白糯 光澤縣物產早稻八月白稻大黑稻  
大黃稻赤糯稻白糯稻 建寧縣物產六十日黏百日

黏秋風黏溫涼黏陝西黏清流黏肥豬黏大穀黏八月  
白獲黏金城禾光頭禾以上皆早稻春分節後插大暑  
節後刈黎木赤堆穀白白穀赤矮槁紅漢公烏撫露白  
垂金赤小金禾鷓鴣斑甸山白野豬愁以上皆晚稻宜  
下濕夏至節後插白露節後刈白露糯響鈴糯長腰糯  
苦株糯虎皮糯羊鬚糯重陽糯青皮糯道峯糯竹絲糯  
黃絲糯椒子糯大冬糯以上皆糯內惟響鈴一種造酒  
甚佳 臺灣府土產早稻晚稻禾黏稻水田者名為水

黏芒種後種米絕佳埔地者名為埔黏立夏後種米稍遜  
寧德縣物產稻春種夏熟曰早稻春種冬熟曰晚  
稻早稻有白早有烏早有金城早即占城早也近有鋪  
羶早先晚稻一月而熟晚稻有白稻殼米俱白有紅稻  
殼赤米白有紅米娘殼黃米紅有光頭郎無芒米白有  
米秀穗長米白秣稻有紅秣有黃卮秣近時有一種米  
耗紅性極柔膩蹂為粉若丹粉然番禺縣物產糯米  
有兩熟早熟五月收性多堅宜粉食其稈柔邑人和泥

塗壁能久名花殼糯晚熟十月收性粘輒名蜜子糯宜  
釀酒其稈燥不適於用黏米早熟有望夫岡早糯新會  
黏黃黏南京白料禾澗各種五月收晚熟有黃黏鬼奴  
黏白殼諸種九月收水田一熟有大禾霜降赤黏秋分  
黏紅鬚稻蝦稻諸種四月下秧九月收從化縣物產  
稻之品曰黏有赤黏黃黏白黏花黏薯梁黏鷓鴣黏深  
水蓮糯有黃糯白糯紅糯麻糯杭有餘杭赤杭增城  
縣物產稻多黏早熟有冷黏赤殼黏晚熟有白花黏赤

花黏鼠牙黏最佳多糯有黃糯白糯焦糯聖糯又有香  
粳最美 新安縣方產稻類早黏黃黏斑黏鹹敏紅頭  
黏鼠牙黏黃糯白糯早糯早糯高州糯烏嘴糯紅糯黑  
糯莆菱菱穀 乳源縣物產稻之屬曰黏有矮脚赤色  
高脚白米遲黏交秋黏鼠牙黏大谷黏黃黏曰糯有光  
頭糯紅糯早糯黃糯椒糯鐵皮糯白糯 龍川縣物產  
黏稻有積玉雪堆金包銀赤白湖裏鼠牙鹿角嘴粳稻  
藤糯稻藤黃馬尾蝦公香白赤烏鬚早稻有黏粳糯三



種有六月熟者有八月熟者輦稻亦三種山間待雨而

耕

輦字典  
不載

海陽縣物產稻之屬為赤早為白早為烏

種為早秣為大秣為尖秣為白黏為黃黏為赤脚黏

程鄉縣物產稻之屬為赤早白早為早秣大秣為白黏

黃黏為赤脚黏為香禾畬禾歲田一穫為大冬 惠來

縣物產粳之屬有光鐵漢六十日西風早光早金包銀

糯之屬有烏早早落火燒赤脚馬牙 平遠縣物產稻

之屬白黏赤黏百日子南安早俱早收金包銀九月子

高脚赤矮脚赤雪裏芒瑞金黏清流黏俱晚收響糯白  
毛糯紅光糯俱早收高脚糯蓑衣糯畬禾糯俱晚收  
鎮平縣物產稻之屬為赤早為白早為百日早為旱糯  
為冬糯為白黏為黃黏為赤脚黏 高要縣土產穀品  
多黏多稻多秫黏在腴田則有細黏青藁紅藁麻包錦  
鼠牙下馬看清水黏黃魚串落滋黏山豬怕八月黏潮  
田則有黃連黏交趾黏大黏淋漓黏大長毛小長毛晚  
赤之屬稻早晚早三種又有尖鼻烏尻鷓鴣臀又有大

禾稻鬚芒及寸種塘中與水俱長莖丈餘正月布穀九月乃登秣有赤糯白糯黃糯油糯烏豚糯斑魚糯羊鬚糯荔枝糯番鬼糯水流糯旱糯早糯紐糯性軟味香米粒長三分極大昔無今有番鬼糯一名番生羊鬚糯一名羊眼 陽江縣物產稻種類頗多以細黏為上黃糠白米青黏次之黃黏又次之毛穀為下 高明縣土產稻有早晚旱三種又有尖鼻烏尻鷓鴣臀又有大禾稻鬚芒及寸種塘中與水俱長莖丈餘正月布穀九月乃

登黏在腴田則有細黏青膏紅膏麻包銀鼠牙落滋黏  
山豬怕八月黏黃連黏糯有赤糯白糯黃糯油糯烏豚  
糯荔枝糯番鬼糯旱糯早糯 電白縣物產稻有黏曰  
青藁曰黃黏曰白黏曰赤黏曰白殼曰牛皮早曰細粒  
曰早黏曰長鬚曰懶黏曰黑鐵曰馬尾黏有糯曰荔枝  
糯曰靈山糯曰油糯曰白糯曰長鬚糯曰番鬼糯曰早  
糯曰懶糯 石城縣物產稻之種曰早稻曰早黏曰六  
十日曰芒稻曰馬屎曰禾名曰黃黏曰白黏曰馬尾黏

曰小黏以上米白曰鐵槌曰紅周二種米赤曰牛牯不  
懼風曰大糯紅芒黑芒無芒三種曰小糯曰粳曰香杭  
曰黃欄朱鵝黃色近遂溪界有之曰水芮宜水田曰鹹  
稻曰大塞二種宜鹵田曰百稔曰坡黎曰坡蘭曰坡禾  
名四種宜高坡曰山旱曰山禾名二種宜山徭人利之  
曰芮稻二月與早種拌播刈早禾後乃芮生 海康縣  
土產稻之種十有五曰早稻早黏林稻光芒稻長芒稻  
香杭粳稻古杭珍珠稻黏稻百稔稻黃欄稻芮稻紅稻

稻烏芒稻 合浦縣物產稻屬六禾白禾毛禾赤禾坡  
禾畚禾旦糯八月粒赤陽糯晚糯老鴉糯 欽州物產  
稻屬六禾毛禾白禾赤禾翼糯八月粒馬蜆糯赤陽糯  
白粒赤粒毛粒畚禾潮禾大糯蝦鬚糯香臺糯交趾糯  
瓊山縣土產稻粳秫二種粳者曰白芒曰香杭曰烏  
芒曰珍珠曰鼠齒曰早禾曰黏稻曰山禾秫曰光頭曰  
九里香 澄邁縣土產杭稻糯稻杭有數種曰百箭烏  
齋黃其東海鼠牙八黏矮脚白芒紅芒烏芒早禾山禾

坡稻小種稻黏稻糯有數種曰黃鱸烏鵲烏罕光頭坡  
糯小熟糯 會同縣土產粳稻長芒百箭俱二熟黃沙  
黑芒紅芒牛鬚俱小熟黃琉山豬斑蓋鼠牙烏節廉州  
珠蓋穀圓如珠七黏俱大熟山禾坡禾俱山中之人刀  
耕火種亦大熟糯稻牛頭芒花烏鵲狗蛇穀傍有翅如  
蛇黃鰭馬眼光頭大糯小糯 儋州土產秔稻有赤黏  
烏齋百線香禾珍珠禾山肉赤鬚山禾黎人伐山種之  
曰刀耕火種早割藝之三月即熟鼠齒偶獲數種糯稻

有黃鱸貝子黑糯早割交趾五月光頭數種 羅定州  
物產稻有黏其種七曰黃曰赤曰白曰細粒曰青藁曰  
早曰長鬚有糯其種四曰荔枝曰番鬼曰瀨曰坡有粳  
有秈似粳而黑六月熟 懷集縣物產白銀黏桃花黏  
岡黏番生黏紅米黏沙黏南寧黏斑黏白銀粳香粳烏  
牛粳鐵銚粳香糯塔岡糯狗踏糯油糯鴨脚糯大紅糯  
安南糯番生糯無鬚糯桔貝糯早龍糯白藤糯禿鬚糯  
南寧府物產稻粳有毛粳六月粳八月粳黏有白黏



紅黏早黏鼠牙黏長腰黏六月黏糯有紅白黃皮黑皮  
諸種早糯含香糯黃鬚糯黑鬚糯六月糯光糯毛糯狗  
眼糯赤陽糯黃蠟糯斑糯鵠鳩糯銀絲糯泥糯魚包糯  
飯糯香糯 新寧州物產黏穀早穀晚穀勝穀淥禾穀  
大苗穀三月穀麻現糯白殼糯花殼糯烏殼糯振安白  
糯 橫州物產稻有秔黏糯三種秔有毛秔六月秔八  
月秔黏有白黏紅黏早黏晚黏畚禾黏其穀之光芒大  
小長短不同其米之赤白紫烏堅鬆香否不一總以晚

白者為第一糯有光糯毛糯狗眼糯黃蠟糯斑糯早糯  
香糯 昆明縣特產香糯 富民縣物產紅稻白稻柳  
葉糯 宜良縣特產茴香糯 嵩明州物產麻線穀光  
頭穀金裹銀糯青芒白穀紅穀 呈貢縣物產白穀紅  
穀老鴉穀糯穀長芒穀 昆陽州物產大白穀小白穀  
冷水穀水長穀老來紅青芒穀大小糯穀早穀 建水  
州物產紅稻白稻黃稻香稻糯稻旱稻香糯黏糯柳條  
糯 石屏州物產小白穀安顛穀冷水穀大細麻線紅

心百日早烏穀紅皮紅白梗齒柳條新興白紅他狼鐵  
穀假糯飯糯響糯花皮長無芒香大小糯米葉裏藏金  
裏銀 通海縣物產香穀百日早黑穀小白穀紅芒穀  
冷水穀背子穀柳條糯紅皮白皮黃米 崑崙縣物產  
香穀糯穀白穀紅穀黑穀早穀早穀細穀 蒙自縣物  
產香稻紅稻白稻早稻長芒稻水旱稻紅皮糯黑皮糯  
軟條糯 新興縣物產稻之屬黃穀小穀落子穀百日  
穀香穀葉裏藏黑大穀早穀水穀金裏銀糯之屬柳葉

糯紅穀糯香糯圓糯 廣西府物產稻之屬香穀早穀  
旱秧穀白心水穀紅心穀早穀遲穀黃皮穀黑皮穀老  
來紅三白子背子穀麻綿穀青芒穀羊毛穀蔓穀糯之  
屬圓糯長糯黃糯黑糯弔糯小糯臘脂糯虎皮糯香糯  
柳條糯 趙州物產稻之屬十三白麻線紅麻線豆嘴  
白穀紅皮矮羅青芒老鴉翎金裏銀早穀弔穀葉裏藏  
白毛穀糯之屬八香糯殼糯黑嘴糯油糯柳條糯大糯  
小糯白圓糯 雲南縣物產紅麻線大黑嘴白鼠牙大

香穀 鄧川州物產金裹銀裹金矮樓長芒光頭香  
糯紅糯大糯小糯麻線高脚梁白鷺豐老鴉翎 雲龍  
州物產穀之屬十落地白白麻線黑嘴紅皮矮白皮矮  
早弔六月熟金裹銀裹金早稻林之屬四香糯黑嘴  
糯響穀糯麻線糯 永昌府物產飯穀有十種光頭穀  
毛穀早穀麻線穀香光頭穀紅穀黑早穀白早穀葉裹  
藏穀金裹銀穀糯穀有九種紅糯白糯烏糯水糯虎皮  
糯柳葉糯香糯大糯團頭糯 楚雄府物產杭林糯梗

黃殼烏嘴虎斑紅芒 廣通縣物產稻為杭為糯為私  
為黃殼白殼為烏嘴紅芒為虎斑為香糯為香稻為金  
齒鼠牙其別種也為早稻 定邊縣物產稻之種十鴉  
林稻紅芒稻白殼稻黃殼稻虎皮稻白黑稻烏嘴稻大  
香稻晚稻早稻 姚州物產稻之屬紅白毛穀光頭長  
毛麻線青芒早弔穀 鶴慶府物產紅稻白稻長芒稻  
香稻出羅陋川細稻出大孟村冷水稻三月栽六月熟  
麓川稻種自麓川來金裹銀稻皮紅米白銀裹金稻皮

白米紅麻線稻虎皮糯珍珠糯牛皮糯松子糯旱糯  
順寧府物產稻黃穀黑穀紅穀遲穀花穀矮老糯安喜  
糯安慶穀安來穀 蒙化府物產稻杭香杭黃黑紅白  
遲百日花穀落子矮老黑毛麻線老鴉翎背子糯穀香  
糯背子糯黃糯矮老糯凡二十種

欽定授時通考卷二十二

# 欽定四庫全書

子部

欽定授時通考卷二十三  
六三至

詳校官中書臣竇汝翼

編修臣倉聖脈覆勘

總校官編修臣王燕緒

校對官編修臣卹庭澄

謄錄監生臣丁模

繪圖監生臣徐溥



欽定四庫全書

欽定授時通考卷二十三

穀種

梁

稷

周書

梁



禮記曲禮梁曰薌其

注其辭也疏正義曰梁謂白梁黃梁也其語助也

周禮天官食醫凡會膳食之宜犬宜梁

正義犬味酸而溫梁米味甘而微寒氣味相成訂義  
犬金獸也梁西方之穀與金畜相宜

爾雅薌赤苗

注今之赤梁粟

又芑白苗

注今之白梁粟皆好穀疏案詩大雅生民云誕降嘉種維秬維秠維糜維芑故此釋之也蔓與糜音義同蔓即嘉穀赤苗者郭云今之赤梁粟芑即嘉穀白苗者郭云今之白梁粟皆好穀也

博雅藿梁木稷也

廣志有具梁解梁有遼東赤梁鹽鑽梁粒如蟻子魏文帝以為粥

爾雅翼梁今之粟類古不以粟為穀之名但米之有稗

穀者皆稱粟今人以穀之最細而圓者為粟則梁是其類內則曰飯黍稷稻粱白黍黃粱稭樵說者曰下言白黍則上是黃黍下言黃粱則上是白粱今粱有三種青粱穀穗有毛粒青米亦微青而細於黃白米也夏月食之極為清涼但以味短色惡不如黃白粱故人少種之亦早熟而收少作餽清白勝餘米黃粱穗大毛長穀米俱麤於白粱而收子少不耐水旱食之香味美於諸梁人號為竹根黃白粱穗亦大毛多而長穀麤扁長不似

粟圓米亦白而大其香美為黃梁之亞古天子之飯所以有白梁黃梁者明取黃白二種耳今人大抵多種粟而少種梁以其損地力而收穫少耳然古無粟名則是以梁統粟今粟與梁功用亦無別明非二物也梁比他穀最益胃但性微寒其聲為涼蓋是亦借涼音如許叔重說黍大暑而種則以黍從暑梁從涼其義一也

農政全書王禎曰赤白梁其禾莖葉似粟粒差大其穗帶毛芒牛馬皆不食與粟同時熟

本草綱目李時珍曰梁者良也穀之良者也或云種出自梁州或云梁米性涼故名皆各執己見也梁即粟也考之周禮九穀六穀之名有梁無粟可知矣自漢以後始以大而毛長者為梁細而毛短者為粟今則通呼為粟而梁之名反隱矣今世俗稱粟中之大穗長芒粗粒而有紅毛白毛黃毛之品者即梁也黃白青赤亦隨色命名耳郭義恭廣志有解梁貝梁遼東赤梁之名乃因地命名也陶弘景曰凡云梁米皆是粟類惟其芽頭

色異為分別耳汜勝之云梁是秣粟則不爾也黃梁出青冀州東間不見有白梁處處有之襄陽竹根者為佳青梁江東少有又漢中一種臬梁粒如粟而皮黑可食釀酒甚消痰 蘇恭曰梁雖粟類細論則別黃梁出蜀漢商浙間穗大毛長穀米俱麤於白梁而收子少不耐水旱食之香美勝於諸梁人號竹根黃陶以竹根為白梁非矣白梁穗大多毛且長而穀粗扁長不似粟圓也米亦白而大食之香美亞於黃梁青梁穀穗有毛而粒



青米亦微青而細於黃白梁其粒似青稞而少粗早熟而收薄夏月食之極為清涼但味短色惡不如黃白梁故人少種之作餽清白勝於餘米 寇宗奭曰黃梁白梁西洛農家多種為飯尤佳餘用不甚相宜

又黃梁米氣味甘平無毒寇宗奭曰青梁白梁性皆微涼獨黃梁性味甘平豈非得土之中和氣多耶蘇頌曰諸梁比之他穀最益脾胃

又白梁米氣味甘微寒無毒李時珍曰炊飯食之和中

止煩渴

又青粱米氣味甘微寒無毒李時珍曰今粟中有大而青黑色者是也其穀芒多米少稟受金水之氣其性最涼而宜病人

直省志書 歷城縣方產粱俗云粱穀米可入祀品

鄒平縣物產白穀粒白圓大俗謂粱穀米 滋陽縣物

產粱有黃白紅黑四種 鄒縣物產粱有黃白紅黑四

種 沂州物產粱有黃白紅黑四種 昌邑縣物產粱

黃白二種 祁縣物產梁細粒而色白 馬邑縣土產

梁有早晚大小及紫白之異種 臨潁縣物產青梁白

梁黃梁 咸陽縣物產梁其米青者為青梁夏日食之

清涼其米白者形如芝蔴為芝蔴梁黃梁穗大毛長味

美謂之竹根黃然赤黃二種甲桴雖有二色而其米皆

白 慶陽府物產梁黃白青紅龍爪羊角蠟燭芝蔴長

角凡九種 長泰縣物產梁俗呼好殼即香糯青梁穗

有毛米微青頗長黃梁穗大毛長米畧麤白梁穗大米

扁長又有八畝者米赤大於諸梁更香北方無此穀以  
糯稷白者為梁非是



稷



禮記曲禮稷曰明粢

疏正義曰稷粟也明白也言此祭祀明白粢也尚書云黍稷非馨詩云我黍與與我稷翼翼為酒為食以享以祀黍稷為五穀之主是粢盛之貴

周禮天官食醫凡會膳食之宜豕宜稷

正義豶豬味酸牝豬味苦稷米味甘甘苦相成訂義豕水畜也稷北方之穀與水相宜

夏官職方氏正西曰雍州其穀宜黍稷

又河內曰冀州其穀宜黍稷

爾雅粱稷

注今江東人呼粟為粱疏左傳云粱食不斲粱者稷也曲禮云稷曰明粱是也郭云今江東人呼粟為粱然則粱也稷也粟也正是一物而本草稷米在下品別有粟米在中品又似二物故先儒甚疑焉

尚書帝命期春鳥星昏中以種稷

說文稷五穀之長也糜稭也



月令章句稷秋種夏熟歷四時備陰陽穀之貴者

博雅稷穰謂之穰

廣志破藏稷逼黍稷也此二者以四月熟

隋書稷五星稷農政也取乎百穀之長以為號也

宋史天文志天稷五星在七星南農政也取百穀之長  
以為號明則歲豐暗或不具為饑移徙天下荒歉客星  
入之有祠事於內出有祠事於國外

爾雅翼稷者五穀之長故陶唐之世名農官為后稷其祀五

穀之神與社相配亦以稷為名以為五穀不可偏祭祭其長以該之稷所以為五穀之長者以其中央之穀月令中央土食稷與牛五行土為尊故五穀稷為長又古者號稷為首種孟春行冬令則雪霜大摯首種不入蔡邕以首種為麥以麥常隔歲而種故以為首而鄭康成以為稷者蓋以考靈曜云日中星鳥可以種稷是一歲之初所先種者唯稷況又孟春正種稷之時而云首種不入即是極寒種不入土不待歲收然後為入也稷又名齊或為粢故祭祀之號稷曰明粢而言粢盛者

本之諸穀因皆有粢名小宗伯所謂辨六齋之名物與  
其用是也杜子春又欲讀酒正五齊皆為粢以禮運有  
粢醕在堂意以粢穀為醕則餘四齊亦皆以粢穀為之  
然破五齊從一粢於義不可故後鄭但以為齊者以度  
量節作之更讀禮運粢醕為齊此說之不同者也稷又  
名為稭呂氏春秋曰飯之美者有陽山之稭高誘曰闕  
西謂之糜冀州謂之𦵏說文糜稭也廣雅曰𦵏稭也穆  
天子傳曰赤鳥之人獻稭百載見今人皆謂之稭然則

稷也粱也稭也特語音有輕重耳大抵塞北最多如黍  
黑色稷有二種一黃白一紫黑紫黑者芑有毛北人呼  
為烏禾今人不甚珍此惟祠事用之農家種之以備他  
穀不熟為糧

音釋六齋音梁謂之六穀黍稷稻粱麥苽  
五齊音劑謂泛醴醴音醴糟牀下酒赤色

天中記稷又名為稭

農政全書賈思勰曰穀者總名非止為粟也然今人專  
以稷為穀蓋俗名之耳朱穀高居黃劉豬豬道愍黃聒  
穀黃雀懊黃續命黃百日糧有起婦黃辱稻糧奴子場

音加支穀焦金黃鵠鳴合履今一名麥爭場此十四種  
早熟耐旱免蟲聒穀黃辱稻糧二種味美今墮車下馬  
看白羣羊懸蛇赤尾龍虎黃雀民漆馬洩韁劉豬赤李  
穀黃河摩糧東海黃石駢歲青莖青黑好黃陌南木隈  
隄黃宋黃癡指張黃兔肱青惠日黃寫風赤一睨黃山  
鰲頰黨黃此二十四種穗皆有毛耐風兔雀暴一睨黃  
一種易舂寶珠黃俗得白張鄰黃白鰲穀釣干黃張蟻  
白耿虎黃都奴赤茄蘆黃熏豬赤魏夾黃白莖青竹根

青調母梁磊礮黃劉沙白憎延黃赤梁穀靈忽黃獺尾  
青續得黃得客青孫延黃豬矢煙熏黃樂婢青平壽黃  
鹿概白醯折作黃覃糝阿居黃赤巴梁鹿蹄黃鉞狗倉  
可憐黃米穀鹿概青阿返此三十八種中麤大穀白醯  
穀調母梁二種味美擇穀青阿居黃豬矢青有二種味  
惡黃覃糝樂婢青二種易春竹葉青石柳閱竹根青一  
名胡穀水黑穀忽泥青衝天棒雉子青鴟脚穀鴈頸青  
攬堆黃青子規此十種晚熟耐蟲災則盡矣徐光啓曰

古所謂黍今亦稱黍或稱黃米稭則黍之別種也今人以音近誤稱為稷古所謂稷通稱謂穀或稱粟梁與秫則稷之別種也今人亦概稱為穀物之廣生而利用者皆以其公名名之如古今皆稱稷為穀也晉人稱蔓菁為菜吳人稱棗為菓稱陵苔為草洛陽稱牡丹為花又曰稭之苗葉莖穗與黍不異經典初不及稭後世農書輒以黍稭並稱故稭者黍之別種也郭璞注爾雅蓂赤梁粟芑白梁粟皆好穀也言梁又言粟言穀故梁者稷

之別種也廣志曰秬黏粟說文曰秬稷之黏者故秬亦稷之別種也凡黏穀皆可為酒秬黍黏故人以為酒秬者黏稷亦可為酒故陶潛種五十畝秬非今之蜀秬也雜陰陽書稷生於棗或楊九十日秀秀後六十日成

羣芳譜稷粒如粟而光滑色紅黃米似粟米而稍大色黃鮮三月種耘四遍七月熟四五月亦可種但收少遲耳刈稷欲早八九月熟便刈遇風即落忌與瓠子附子同食



本草綱目李時珍曰稷從禾從畎音即諧聲也又進力治稼也詩云畎畎良耜是矣種稷者必畎畎進力也南人承北音呼稷為稌謂其米可供祭也禮記祭宗廟稷曰明粢爾雅云粢稷也羅願云稷稌粢皆一物語音之輕重耳赤者名縻白者名芑黑者名秬註見黍下

陶弘景曰稷米人亦不識書記多云黍與稷相似又註黍米云稷米與黍米相似而粒殊大說文云稷乃五穀長田正也此乃官名非穀號也先儒以稷為粟類或言

粟之上者皆說其義而不知其實也按汜勝之種植書有黍不言稷本草有稷不載稭稭即稷也楚人謂之稷關中謂之糜呼其米為黃米其苗與黍同類故呼黍為秔陶言與黍相似者得之矣 陳藏器曰稷稭一物也塞北最多如黍黑色 孟詵曰稷在八穀之中最為下苗黍乃作酒此乃作飯用之殊途 蘇頌曰稷米出粟處皆能種之今人不甚珍此惟祠祀用之農家惟以備他穀之不熟則為糧耳 寇宗奭曰稷米今謂之稭

米先諸米熟其香可愛故取以供祭祀然發故疾只堪作飯不黏其味淡 李時珍曰稷與黍一類二種也黏者為黍不黏者為稷稷可作飯黍可釀酒猶稻之有粳與糯也陳藏器獨指黑黍為稷亦偏矣稷黍之苗似粟而低小有毛結子成枝而殊散其粒如粟而光滑三月下種五六月可收亦有七八月收者其色有赤白黃黑數種黑者禾稍高今俗通呼為黍子不復呼稷矣北邊地寒種之有補河西出者顆粒尤硬稷熟最早作飯踈

爽香美為五穀之長而屬土吳瑞曰稷苗似蘆粒亦大  
南人呼為蘆稭孫炎正義云稷即粟也 又曰稷黍之  
苗雖頗似粟而結子不同粟穗叢聚攢簇稷黍之粒疏  
散成枝孫氏謂稷為粟誤矣蘆稭即蜀黍也其莖苗高  
大如蘆而今之祭祀者不知稷即黍之不黏者往往以  
蘆稭為稷故吳氏亦襲其誤也今並正之

又稷米氣味甘寒無毒別錄曰益氣補不足心鏡曰作  
飯食安中利胃宜脾李時珍曰涼血解暑按孫真人云

稷脾之穀也脾病宜食之汜勝之云燒黍稷則瓠死此物性相制也稷米黍穰能解苦瓠之毒

閩書稷說文曰五穀之長也閩中種稷殊少惟明祀用之甌冶遺事糴米與黍相似而粒大按此說是蜀黍也北人曰高粱泉曰番黍浙人曰蘆糴閩中山畬磽地尚有一種穗如鴨脚粒與黍相類磨之可以麪其粳可以酒

天工開物凡糧食米而不粉者種類甚多相去數百里

則色味形質隨方而變大同小異千百其名北人唯以  
大米呼粳稻而其餘槩以小米名之凡黍與稷同類梁  
與粟同類黍有黏有不黏黏者為酒稷有粳無黏凡黏  
黍黏粟統名曰秫非二種外更有秫也黍色赤白黃黑  
皆有而或專以黑色為稷未是至以稷米為先他穀熟  
堪供祭祀則當以早熟者為稷則近之矣凡黍在詩書  
有藁芑秬秠等名在今方語有牛毛燕領馬革驢皮稻  
尾等名種以三月為上時五月熟四月為中時七月熟

五月為下時八月熟揚花結穗總與來牟不相見也凡黍粒大小總是土地肥磽時令害育宋儒拘定以某方黍定律未是也凡粟與粱統名黃米黏粟可為酒而蘆粟一種名曰高粱者以其身高七尺如蘆荻也粱粟種類名號之多視黍稷尤甚其命名或因姓氏山水或以形似時令總之不可枚舉山東人唯以穀子呼之併不知粱粟之名也以上四米皆春種秋穫耕耨之法與來牟同而種收之候則相懸絕云

直省志書宛平縣物產稷有黑白黃三種 保定縣土

產稷有紅有白有黑 歷城縣方產稷祀神多需此

鄒平縣物產稷紅白數種 新城縣物產稷紅稷黑稷

二種 齊東縣物產稷紅白數種 長清縣物產稷有

紅黃黑白四種 泰安州物產稷黃黑二種 萊蕪縣

物產稷有黃紅二種 霑化縣物產稷之品紅稷黑稷

柳稷六十日 滋陽縣物產稷有黑白二種 鄒縣物

產稷有紅白二種 鉅野縣物產稷有紅白二種 東



平州物產稭紅黑二種 汶上縣物產稷有黑白二種

沂州物產稷有黑白二種 清平縣物產稷有黑白

紅三種 高唐州物產稷其品二黑紅 觀城縣物產

稷紅黑二種 日照縣物產稷有黑白二種 招遠縣

物產稷其色有赤白黃黑數種 陽曲縣物產稷粟有

軟硬二種 祁縣物產稷有大小二種視他方味美

定襄縣物產稷青黃鰲黑 臨汾縣物產稷有大小二

種視他方味美 翼城縣物產稷有赤黑二種 汾西

縣土產稷黃白黑三種 馬邑縣物產稷有青紅白黑  
四種與早晚大小之分 涓川縣物產稷有黃白二種  
輝縣物產稷色有青白紅黃名有六月私溜沙白等  
皆嘉他如龍爪兔蹄雞腸鼠尾隨象立名動以百計  
慶陽府物產稷黃白紅青黛輒凡六種 歙縣物產稷  
有黑稷者粳稷也赤稷者糯稷也長如蘆葦號蘆稷黃  
稷皆古之稷也

欽定授時通考卷二十三

欽定四庫全書

欽定授時通考卷二十四

穀種

黍

丹黍米

蜀黍

玉蜀黍

野黍

黍



禮記曲禮黍曰薌合

疏正義曰黍曰薌合者夫穀秫者曰黍秫既輒而相合氣息又香故曰薌合也集說黍熟則黏聚不散其氣又香故曰薌合

周禮天官食醫凡會膳食之宜羊宜黍

正義羊味甘熱黍味苦溫甘苦相成訂義羊火畜也正黍高燥所生與火畜相宜

又夏官職方氏正西曰雍州其穀宜黍稷

又河內曰冀州其穀宜黍稷

爾雅秬黑黍

注詩曰維秬維秠

又秠一稭二米

注此亦黑黍但中米異耳漢和帝時任城生黑黍或三四實實二米得黍三斛八斗是疏李巡曰黑黍一名秬黍秬即黑黍之大名也秠是黑黍之中一稭有二米者別名為秠若然秬秠皆黑黍矣而春官鬯人

註云釀秬為酒秬如黑黍一秬二米言如者以黑黍  
一米者多秬為正稱二米則秬中之異故言如以明  
秬有二等也秬有二等則一米亦可為酒鬯人之註  
必言二米者以宗廟之祭惟裸為重二米嘉異之物  
鬯酒宜用之故以二米解鬯其實秬是大名故云釀  
秬為酒此云秬一稭二米鬯人註云一秬二米不同  
者鄭志答張逸云秬即皮其稭亦皮也爾雅重言以  
曉人然則秬稭古今語之異故鄭引此文以稭為秬

也漢和帝時任城縣生黑黍或三四實實二米得黍  
三斛八斗是也

尚書考靈曜夏火星昏中可以種黍

春秋說題辭精移火轉生黍夏出秋改黍者縮也故其  
立字禾入米為黍酒以扶老

春秋佐助期黍神名俯佞姓蘭郝

孝經援神契黑墳宜黍麥

淮南子渭水多力而宜黍





又凡黍黏者收薄稌味美者亦收薄難春

雜陰陽書黍生於榆六十日秀秀後四十日成黍生於  
巳壯於酉長於戌老於亥死於丑惡於丙午忌於丑寅  
郊禋忌於未寅

爾雅翼黍禾屬而黏者也以大暑而種故謂之黍從禾  
雨省聲孔子曰禾可為酒禾入水也然則又以禾入水  
三字合而為黍不但從雨而已黍以大暑而種故農家  
以三月上旬為上時四月上旬為中時五月上旬為下

時然月令仲夏之月農既登黍矣天子以雛嘗黍羞以  
含桃先薦寢廟為鄭說者以為黍非新成直是舊黍蓋  
以鄭解孟秋所登之穀為黍稷故以仲夏為未熟若其  
熟何得言登且所謂舊黍者自去歲孟冬與蔬併食數  
月於此矣豈待今而後嘗耶黍固有早晚其晚者不妨  
至孟秋始熟故庶人秋乃薦黍此天子之禮自重其先  
熟者而嘗薦之耳故蔡邕以為今之蟬鳴黍亦猶十月  
獲稻而天子所嘗乃九月熟者謂之半夏稻亦其類也

黍之秀特舒散故說者以其象火為南方之穀詩亦云  
芄芄黍苗以此也又云彼黍離離彼稷之苗者黍大體  
似稷故古人併言黍稷今人謂黍為黍稷行役之人有  
憂於內則有不察於外故於此或不能辨也黍有赤黍  
黑黍黑黍已別見釐稱赤苗恐是赤者其類有黏不黏  
如稻之有粳糯其不黏者以為飯黏者別名秫以為酒  
說文秫稷之黏者即謂此也月令造酒命大酋秫稻必  
齊蓋以此秫與稻之糯為酒北人謂秫為黃米亦謂之

黃糯釀酒比糯稻差劣黍之為物黏而香故凡香之釀  
馥黏之黏黍皆從之又古人作履黏以黍米謂之黎其  
雪桃亦用黍以黍黏去桃毛也孔子先食黍以黍為五  
穀之先桃為五果之下故捨不用耳黍又擣以為飭謂  
之餽餽楚辭曰粬粬蜜餌有餽餽言以蜜和米麴煎熬  
作粬粬又有美飭衆味甘具也及屈原死楚人以菰葉  
裹黍祠之謂之角黍

黍音香黏音胡粬音晒餽音張  
餽音黃粬音巨黎字與不載

又秬黑黍也古者薦籩有白黑形鹽白為熬稻黑即秬

也至歲冰則用黑牡秬黍以享司寒蓋此倣其方之色亦以為酒謂之秬鬯既芬香調暢矣若將用則鬯人以鬯酒入鬱人鬱人得之策鬱金草煮之以和此酒則謂之鬱鬯故鬯人掌共秬鬯而鬱人和鬱鬯以此也

又釋卓曰秬黑黍秬一稊二米是秬與秬之所以異者在此然則秬必不黑秬必不一稊二米也而鄭氏釋春官鬯人既云秬如黑黍一稊二米則是以秬之狀雜之於秬郭氏解釋草又曰秬亦黑黍則是又以秬之色雜

之於秬秠既欲兼秬之狀秠又欲兼秬之色凡物之所  
以紊亂不復可推究者由此故也郭氏又引漢和帝時  
任城生黑黍或三四實實二米得黍三斛八斗以顯二  
米者為黑黍且任城所生漢之異事歷世所未有詩歌  
后稷降播乃民事之常如必待任城所生而後降之則  
沒世不可待矣至唐說者又言今上黨民間黑黍或值  
豐歲往往得二米者但稀濶而得之不以充貢耳以此  
附成郭氏之說且后稷所降既謂之種何得以豐歲偶

有一二為說若皆以豐歲言之則禾有同穎麥有兩岐  
又可待以為種耶按今百穀之中一稭二米者唯麥為  
然舍麥未有二米者說文解秬亦云一稭二米詩云誕  
降嘉種維秬維秠天賜后稷之嘉穀也而解來字云周  
所受瑞麥來麴一來二縫秠與來麴皆后稷所受於天  
皆一稭二米則是秠者正此來麴耳但生民臣工所稱  
不同來麴又稱釐麴古者來釐丕三字相通要是一物  
鄭志自以所解鬯人不合釋草之文故答張逸併以秠



稭皆解為皮且云爾雅重言以曉人然則不惟二物相混而秬但得為秬之皮轉失實矣予故詳而論之

農政全書王禎曰詩云維秬維秠秬黑黍也又曰秬鬯一卣此言黍之為酒尚矣今又有赤黍米黃而黏可蒸食白黍釀酒亞於糯秫又北地遠處惟黍可生其莖穗低小可以釀酒又可作饌粥黏滑而甘此黍之有補於艱食之地者也凡祭祀以之為上盛貴其色味之美也本草綱目李時珍曰按許慎說文云黍可為酒從禾入

水為意也魏子才六書精蘊云禾下從余象細粒散垂之形汜勝之云黍者暑也待暑而生暑後乃成也詩云誕降嘉種維秬維秠維糜維芑糜即藿音轉也郭璞以藿芑為梁粟以秠即黑黍之二米者羅願以秠為來牟皆非也陶弘景曰黍荊郢州及江北皆種之其苗如蘆而異於粟粒亦大今人多呼秠粟為黍非矣北人作黍飯方藥釀黍米酒皆用秠黍也別錄丹黍米即赤黍米也亦出北間江東時有而非土所宜多入神藥用又

有黑黍名秬釀酒供祭祀用 蘇恭曰黍有數種其苗亦不似蘆雖似粟而非粟也 蘇頌曰今汴洛河陝間

皆種之爾雅云藁赤苗芑白苗秬黑黍是也李巡云秬是黑黍中一稊有二米者古之定律者上黨秬黍之中者累之以生律度衡量後人取他黍定之終不能協律或云秬乃黍之中者一稊二米之黍也此黍得天地中和之氣而生蓋不常有有則一穗皆同二米粒並均勻無大小故可定律他黍則不然地有肥瘠歲有凶穰故

米有大小不常矣今上黨民間或值豐歲往往得二米者但稀濶故不以充貢爾 又曰黏者為秫可以釀酒北人謂為黃米亦曰黃糯不黏者為黍可食如稻之有粳糯也李時珍曰此誤以黍為稷以秫為黍也蓋稷之黏者為黍粟之黏者為秫粳之黏者為糯別錄本文著黍秫稻糯之性味功用甚明而註者不諳往往謬誤如此今俗不知分別通呼秫與黍為黃米矣

又黍米氣味甘溫無毒孫思邈曰黍米肺之穀也肺病

宜食之主益氣李時珍曰按羅願云黍者暑也以其象火為南方之穀蓋黍最黏滯與糯米同性其氣溫暖故功能補肺而作食作煩熱煖筋骨也孟說謂其性寒非矣

直省志書宛平縣物產黍有白黑二種 三河縣土產

黍有黑白紅黃四種 平谷縣土產黍有黑白紅黃鰲

五種 清苑縣土產黍有黃有白有丹有大白有小白

歷城縣方產黍有酒飯二種酒黏飯不黏 鄒平縣

物產黍黑白數種 新城縣物產黍白黍黎頭二種

齊河縣物產黍有紅黃白黑四種 齊東縣物產黍黑

白數種 長清縣物產黍有黑白二種 泰安州物產

黍黃白黑三種 萊蕪縣物產黍白黃紅黑四色有軟

硬二種 輦宜釀酒 霑化縣物產黍之品黎頭黍托地

白棗皮黍芝黃黍紅黍白黍 滋陽縣物產黍有黑白

二種 曹州物產黍有黃紅黑白四色 曹縣物產黍

有數種 五色早晚不同 曹酒率用此米 鉅野縣物產

黍黑白紅黃四種 東平州物產黍黑白二種 汶上

縣物產黍黑白二種 沂州物產黍有黑白二種 清

平縣物產黍有紅白黑三種皆可釀酒白者佳 高唐

州物產黍其品三黑紅白 觀城縣物產黍黑白二種

日照縣物產黍有黑白二種 黃縣物產黍有紅白

黑三種 福山縣物產黍有金銀黑三色釀酒 招遠

縣物產赤黍白黍黑黍 萊陽縣物產黍紅白黑三種

陽曲縣物產黍有軟硬二種 祁縣軟硬二種軟宜

釀酒 定襄縣物產黍黃白紅青羊眼 保德州土產

黍有黑青紅黃數種 臨汾縣物產黍有軟硬二種丹

黑二色 翼城縣物產黍有黃白二種 臨晉縣物產

黍有黃白赤黑四種米皆黃俗呼為黃米 平陸縣土

產黍有白紅黃黎其硬者為糜黍 高平縣物產黍紅

白黎黑數種精潔美腴甲於他郡 和順縣土產黍有

軟硬二種其色白黑黃赤黎五色 馬邑縣土產黍有

青白黃三種與早晚大小之分 祥符縣物產白黍黑



黍紅黍黃黍 洧川縣物產黍有黃白黑三種 鄆陵

縣土產黍紅白黎三色其最早者曰奪麥場 延津縣

物產黍有黃黍白黍抗黍糯黍 襄城縣土產白黍白

苧黃米為上黃黍黃苧黃米為次黑黍釀酒 延川縣

物產黍有軟硬二種有丹黑二色 西鄉縣土產黍類

露仁糧矮人糧馬尾糧黑穀糧罩粒頭 清河縣物產

黍有黃白黎色數種亦有紅者名大紅袍 蒲圻縣物

產黍之屬有黃黍黑黍高粱黍 永明縣土產泡眼黍

赤黍蓑衣黍 建陽縣方產黍屬小早三月種六月收  
黃竹早宜飽水田四月種七月熟江西早三月種七月  
初收爛泥早天降早苦株早紅根早蘆絲早俱三月種  
七月收間有瘦田亦可種縮頸早宜肥田三月種七月  
半收福德早宜禾田三月種八月收半冬早黃穀早俱  
三月種九月收 海寧縣土產黍之種四曰糯黍黃黍  
牛黍飯黍




丹黍米



本草綱目丹黍米即赤黍也爾雅謂之蘆吳瑞曰浙人呼為紅蓮米江南多白黍間有紅者呼為赤蝦米寇宗奭曰丹黍皮赤其米黃惟可為糜不堪為飯黏著難解甯原曰穗熟色赤故屬火北人以之釀酒作糕又氣味甘微寒無毒孫思邈曰微溫寇宗奭曰動風性熱多食難消餘同黍米

蜀黍



齊民要術蜀秫春月種宜用下土莖高丈餘穗大如帚  
其粒黑如漆如蛤眼熟時收刈成束攢而立之其子作  
米可食餘及牛馬又可濟荒其莖可作洗帚楷稈可以  
織箔編席夾籬供爨無有棄者亦濟世之一穀農家不  
可闕也

農政全書徐光啓曰蜀秫古無有也後世或從他方得  
種其黏者近秫故借名為秫今人但指此為秫而不知  
有梁秫之秫誤矣別有一種玉米或稱玉麥或稱玉蜀

秫蓋亦從他方得種其曰米麥蜀秫皆借名之也又曰  
北方地不宜麥禾者乃種此尤宜下地立秋後五日雖  
水潦至一丈深而不能壞之但立秋前水至即壞故北  
土築堤二三尺以禦暴水但求隄防數日即客水大至  
亦無害也又曰秦中鹺地則種蜀秫下地種蜀秫特宜

早須清明前後耩

減 鹺音

本草綱目李時珍曰蜀黍不甚經見而今北方最多按  
廣雅荻梁木稷也蓋此亦黍稷之類而高大如蘆荻者




故俗有諸名種始自蜀故謂之蜀黍汪穎曰蜀黍北地種之以備缺糧餘及牛馬穀之最長者南人呼為蘆稭李時珍曰蜀黍宜下地春月布種秋月收之莖高丈許狀似蘆荻而內實葉亦似蘆穗大如帚粒大如椒紅黑色米性堅實黃赤色有二種黏者可和糯秫釀酒作餌不黏者可以作糕煮粥可以濟荒可以養畜稍可作帚莖可織箔席編籬供爨最有利於民者今人祭祀用以代稷者誤矣其穀殼浸水色紅可以紅酒博物志云地

種蜀黍年久多蛇

又蜀黍米氣味甘澀溫無毒



玉蜀黍



本草綱目李時珍曰玉蜀黍種出西土種者亦罕其苗  
葉俱似蜀黍而肥矮亦似薏苡苗高三四尺六七月開  
花成穗如秬麥狀苗心別出一苞如梭魚形苞上出白  
鬚垂垂久則苞坼子出顆顆攢簇子亦大如梭子黃白  
色可溲炒食之炒拆白花如炒拆糯穀之狀  
又玉蜀黍米氣味甘平無毒

野黍



農政全書野黍生荒野中科苗皆類家黍而莖葉細弱穗甚瘦小黍粒亦極細小味甘性微溫採子舂去麤糠或搗或磨麵蒸餅食甚甜

欽定授時通考卷二十四



欽定四庫全書

欽定授時通考卷二十五

穀種

粟

白粟米

秫

粟



尚書禹貢四百里粟

集傳粟穀也去其穗而納穀

周禮地官載師凡田不耕者出屋粟

疏夫三為屋民有百畝之田不耕墾種作者罰以三夫之稅粟

又旅師掌聚野之勑粟屋粟閒粟

註野謂遠郊之外也勑粟民相助作一井之中所出九夫之稅粟也屋粟民有田不耕所罰三夫之稅粟

欽定四庫全書

劉氏書目  
卷二十五

閒粟閒民無職事者所出一夫之征粟訂義鄭諤曰  
耰粟者合耦於耰而不趨合耦之令者罰使出粟劉  
執中曰耰粟為有五畝之宅不鋤而樹藝之乃出不  
毛之粟張氏曰屋粟不授田徙居之粟易氏曰閒粟  
即甸地閒田所出之粟曹氏曰此三等之粟在農民  
常賦之外旅師之所專掌

又舍人掌米粟之出入辨其物

疏太宰九職有九穀月令有五穀今止言粟即粱也

爾雅釋草言粟粱稷也稷為五穀之長故特舉以配米也其實九穀皆有

又倉人掌粟入之歲

註九穀盡歲焉以粟為主疏案月令首種不入鄭注引舊記首種謂稷即種粟是五穀之長下辨九穀此云粟是以粟為主也訂義項氏曰倉人掌歲粟者李嘉會曰一歲所收粟則先熟兼中國之地率多種粟蓋粟耐乾雖歲之旱不至大失此九穀之物必以粟

而總其名

爾雅萊稷

註今江東人呼粟為萊疏左傳云萊食不鑿萊者稷也曲禮云稷曰明萊是也郭云今江東人呼稷為萊然則萊也稷也粟也正是一物而本草稷米在下品別有粟米在中品又似二物故先儒甚疑焉

春秋說題辭粟助陽扶性粟之為言續也粟五變一變而以陽生為苗二變而秀為禾三變而粲然謂之粟四

變入白米出甲五變而蒸飯可食陽以一立為法故粟積大一分穗長一尺文以七烈精以五六立故其字為粟西者金所立米者陽精故西字合米字而為粟春秋佐助期粟神名許給姓慶天

說文粟嘉穀實也粟之為言續也續於穀也

廣志粟有赤粟白莖有黑格雀粟有張公斑有含黃有蒼背稷有雪白粟亦名白粟又有白藍下竹頭青白遙麥擢石精狗蟠之各種云

羣芳譜稈高三四尺似蜀秫稈中空有節細而矮葉似  
蘆小而有毛穗似蒲有毛顆粒成簇性鹹淡養脾胃補  
虛損益丹田利小便解熱毒陳者尤良北人日用不可  
缺者

本草綱目李時珍曰粟古文作粟象穗在禾上之形春  
秋說題辭云粟乃金所立米為陽之精故西字合米為  
粟此鑿說也許慎云粟之為言續也續於穀也古者以  
粟為黍稷梁秫之總稱而今之粟在古但呼為梁後人



乃專以梁之細者名粟故唐孟詵本草言人不識粟而近世皆不識梁也大抵黏者為秬不黏者為粟故呼此為秬粟以別秬而配秬北人謂之小米者即此粟也

陶弘景曰粟江南西間所種皆是其粒細於梁熟舂令白亦當白梁呼為白梁粟或呼為粢米蘇恭曰粟類多種而並細於諸梁北土常食與梁有別粢有稷米陶註非矣孟詵曰粟顆粒小者是今人多不識之其粢米粒麤大隨色別之南方多畬田種之極易舂粒細香美少

虛怯祇於灰中種之又不耨治故也北田所種多耨之  
即難春不鋤即草翳死都由土地使然爾李時珍曰粟  
粱也穗大而毛長粒麤者為粱穗小而毛短粒細者為  
粟苗俱似茅種類凡數十有青赤黃白黑諸色或因姓  
氏地名或因形似時令隨義賦名故早則有趕麥黃百  
日糧之類中則有八月黃老軍頭之類晚則有雁頭青  
寒露粟之類按賈思勰齊民要術云粟之成熟有早晚  
苗稈有高下收實有息耗質性有強弱米味有美惡山

澤有異宜順天時量地利則用力少而成功多任性反  
道勞而無獲大抵早粟皮薄米實晚粟皮厚米少

又粟氣味鹹微寒無毒李時珍曰鹹淡寇宗奭曰生者  
難化熟者滯氣隔食生蟲陶弘景曰陳粟乃三五年者  
尤解煩悶服食家亦將食之

白粟米



聖祖御製幾暇格物編粟米

本草粟米即小米

有黃白二種黃者

有粘有不粘本性注云粟粘者為秬北人謂為黃米是也惟白粟則性皆不粘七年前烏喇地方樹孔中忽生白粟一科土人以其種播獲生生不已遂盈畝頃味既甘美性復柔和有以此粟來獻者朕命布植於山莊之內莖幹葉穗較他種倍大熟亦先時作為糕餌潔白如糯稻而細膩香滑殆過之想上古之各種嘉穀或先無而後有者槩如此可補農書所未有也

直省志書遵化州物產粟早熟有趕麥黃中熟有四指  
紅晚熟有老米白土人總名曰穀 栢鄉縣物產粟有  
黃穀黑穀白穀紅穀一薄蠶山藥穀一抱箭芝蔴穀兒  
啼穀龍爪穀簍底籩 邢臺縣物產粟種類頗多其佳  
者名十里香大黃穀小黃穀一把箭龍爪穀有一二十  
名 鄒平縣物產粟黃白秈糯凡數十種 淄川縣物  
產粟其種甚多或紫莖或青莖春為米有黃白二色粟  
之類又有梁穀黍穀 泰安縣物產粟百餘種曰九里

香花裏黃其最佳者 萊蕪縣物產粟有黃白二色白

米者名曰梁穀並黍穀米皆可釀酒 滋陽縣物產粟

白赤二色 鄒縣物產粟有紅白二種 曹縣物產粟

有黃黑紅白四色 沂州物產粟有黃白赤三色 高

唐州物產粟其品三黃白紅 觀城縣物產粟黃白赤

三種 黃縣物產粟其名數十種大約分黃白晚三種

招遠縣物產粟其類凡數十大約分黃白烏晚四色

萊陽縣物產粟黃白晚三種 定襄縣物產粟黃白

硬軟二種黑紅二色 翼城縣物產粟有紅白二種

鄆陵縣土產粟類最夥其色有青白紅黃其名有六月  
先七里香八百光鐵壩齒皆嘉他如雞腸兔蹄龍爪猴  
尾隨象立名動以百計焉 延津縣物產粟有二種一

種如狗尾南方謂之狗尾粟北方謂之小米一種五義  
如爪南方謂之狗爪粟 渭南縣物產粟類頗多其佳

者名狼尾又名紫羅帶又有金裏銀銀裏金者又有名  
疾穀者晚種早熟其穗堅硬如鐵故又名鐵軸 西鄉



縣土產飯粟酒粟椒粟草粟薄地襯狗尾粟柳眼青貓  
爪粟棕蓑粟 宿松縣物產粟為青管為大黃為趕麥  
黃為麕脚紅為硃砂為蠟燭條為婆莫來有私有糯

歙縣物產粟有早粟寒粟毛粟皆晚成有赤稗白稗有  
望杭青有糯粟山中人以為酒有罌子粟細美異他粟  
有山粟皆古之粱也 祁門縣土產山粟圓粟 涇縣  
物產徽粟寒粟有紅白二種稭子粟稗子粟 揚州府  
物產粟有杭粟糯粟金釵婆不來鐵落索狗尾 上海

縣物產粟高鄉所種有蘆粟似薏苡而高有二種杭者穗挺而疎糯者穗垂而密雞頭粟節間有赤鬚結實纍纍如珠一名珍珠粟又名天方粟又名玉麥又一種初秋即熟其莖較短四月種八月熟 仁和縣物產粟有杭粟糯粟狗尾金纍 山陰縣物產粳粟糯粟木粟稗尖幾徑寸苗如蘆高丈餘粒比粟殊大皮黑性黏乳粟粒大如雞豆色白味甘俗曰遇粟狗尾粟稔粟 新建縣食貨粟之屬木粟早粟 奉新縣土產粟種類凡數

十早則有趕麥黃百日糧之類中則有黃老軍頭之類  
晚則有雁頭青寒露粟之類靖安縣物產禾粟紅糯  
粟蘆粟黍子粟毛粟牛尾粟武寧縣土產禾粟牛繩  
粟毛粟紅糯粟青桿粟寒粟承州粟觀音粟狗尾粟  
寧州土產早粟紅粟鹿角粟馬口粟烏糯粟建昌縣  
物產粟種類甚繁早則有大紅毛馬口齊頭白之類遲  
則有北粟毛蟲窠廬山白頭之類早者夏熟遲者冬熟  
德化縣物產粟有早粟大粟草粟東鄉縣物產禾

粟繩粟黏粟糯粟蘆粟 宜鄉縣物產粟有占粟糯粟

黍子粟草子粟等名 萍鄉縣物產大粟鬚粟膏粱粟

蒲圻縣物產早粟寒粟粘粟糯粟觀音粟 咸寧縣

物產鐵駝粟猴春粟鹿角粟寒粟觀音粟 羅田縣物

產粟類早粟大寒粟小寒粟青管粟矮腳紅穀子粟有

穀粟苧麻粟濫雜九五龍爪下馬看料田搥趕麥黃九

月寒硃砂糯粟毛穀粟婆莫來銅鑼搥紅毛老軍頭白

毛老軍頭 寧鄉縣物產粟類三曰寒粟早粟糯粟

邵陽縣食貨杭粟糯粟米粟木粟火粟 永明縣物產

白范粟赤毛粟羊粟藍米粟私粟剷粟 嘉定州物產

粟有白沙黃沙黃者佳可以煮粥亦有酒粟其殼黑

建寧縣物產金釵粟狗尾粟 福寧州物產粟有牛毛

粟鶯掌粟狗尾粟 龍川縣物產粟有魚春牛尾老鴉

膽大米珍珠小黃

秫



禮記月令仲冬之月乃命大酋秬稻必齊

爾雅衆秬

註謂黏黍也疏衆一名秬謂黏黍也說文云稷之黏者也與穀相似米黏北人用之釀酒其莖稈似禾而粗大者是也

廣志有胡秬早熟及麥

齊民要術按今世有黃粱穀秬桑根秬櫨天培秬也

本草綱目李時珍曰秬字篆文象其禾體柔弱之形俗

呼糯米是矣北人呼為黃糯亦曰黃米釀酒劣於糯也  
又蘇恭曰秬稻秬也今人呼粟糯為秬北土多以釀酒  
而汁少於黍米凡黍稷粟秬粳糯三穀皆有秬糯也掌  
禹錫曰秬米似黍米而粒小可作酒寇宗奭曰秬初搗  
出淡黃白色亦如糯不堪作飯最黏故宜作酒李時珍  
曰秬即梁米粟米之黏者有赤白黃三色皆可釀酒熬  
糖作飡糕食之蘇頌圖經謂秬為黍之黏者許慎說文  
謂秬為稷之黏者崔豹古今注謂秬為稻之黏者皆悞



也惟蘇恭以粟秬分秬糯孫炎註爾雅謂秬為黏粟者得之

欽定授時通考卷二十五